

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036 B.2025 Nd.11 Ng.26 Liggaeuq ietceih nienz ndwencib cocaet Geizsoq: Gungh daih 3695 geiz

Canghraiz Gvangjsih Ndaej Aen Ciengj Vwnzyoz Lwgnyez Maenhndei Daengx Guek Gaiq Daih Cibngeih

“Hoihhoengh vwnzyoz Cungguk 2025·haemh ciengj vwnzyoz lwgnyez” mboengneix youq Huznanz Cangzsah haimuq. Haemhhaenx fat Aen Ciengj Vwnzyoz Lwgnyez Maenhndei Daengx Guek Gaiq Daih Cibngeih, 18 bouh(bien) faenzcieng ndaej aen mingzdaeuz neix. Faenzcieng canghraiz Gvangjsih Vangz Yungjyingh 《Daxdaiq Langzdung》 ndaej ciengsawcuenh, neix dwg gek 15 bi le canghraiz Gvangjsih youh caiq ndaej aen ciengj hung neix. Gaxgonq, canghraiz Gvangjsih Bwzbingh ndaej Aen Ciengj Vwnzyoz Lwgnyez Maenhndei Daengx Guek Gaiq Daihroek, Gaiq Daihbet gvaq. Aen Ciengj Vwnzyoz Lwgnyez

Maenhndei Daengx Guek dwg Cungguk Cozyah Hezvei cawjbanh, muzdiz dwg gujli cauhguh vwnzyoz lwgnyez maenhndei, doinyoengx vwnzyoz lwgnyez mwnhoengh hwngfat, caeuq Mauzdun Vwnzyozciengj, Lujsin Vwnzyozciengj, Daengx Guek Siujsiq Minzcuz Vwnzyoz Cauhguh Cinmajciengj caemh baiz baenz seiq aen ciengj hung vwnzyoz daengx guek Cungguk Cozyah Hezvei cawjbanh, dwg gaiq mingzdaeuz cei ak vwnzyoz lwgnyez Cungguk. Gaiq neix 18 bouh (bien) faenzcieng ndaej ciengj ndawde, sawcuenh 7 bouh, sei bouh ndeu, gojlwgnyez 5 bouh, gohvan vwnzyoz 2 bouh, sawdoz lwgnyez 2 bouh, canghraiz bouxcoz faenzcieng

dinj ndei bien ndeu.

Faenzcieng Vangz Yungjyingh 《Daxdaiq Langzdung》 dwg lwnh gij yienghsiengq dah lwgnyez ndaw sim fungbix daengz dajhai aen sim ndeu, caeuq gij yienghsiengq daxdaiq ginggvaq hojnanz mbouj gaijbienq sienhsoh. Bingzveij nyinhnaeuz, faenzcieng rox sim lwgnyez lailai, damqra mauhgvaq bonjfaenh, saenq gyaenz caeuq saenq ndaej hawj sim doxgyau, youq ndaw vwnzva bonjdieg naekgywng mbeguh gij ciengzgingj seiz lwgnyez.

Geij bi neix daeuj, Swcigih Dangiveij, Cwngfuj yawjnaek vwnzva hwnqguh caeuq vwnzyi saehnieb hwngfat, mboujduenh cauhamoq aen

gihci gikleih cauhamoq vwnzyi cauhamduj, coihdingh 《Aen Banhfap Gikleih Cozbinj Vwnzyi Vwnzva Maenhndei Gvangjsih》, okdaiz 《Aen Banhfap Gikleih Cozbinj Vwnzyoz Cauhamduj Maenhndei Gvangjsih》 doenghgij neix, dajcauh aen binjbaiz vwnzyoz Gveiginh. Canghraiz Gvangjsih laebdaeb aeundaiz Mauzdun Vwnzyozciengj, Daengx Guek Siujsiq Minzcuz Vwnzyoz Cauhguh Cinmajciengj, Aen Ciengj Vwnzyoz Lwgnyez Maenhndei Daengx Guek doenghgij ciengj youqgaenj vwnzyozgai neix, gij saehnieb vwnzyoz Gvangjsih hwngfat hoenghhdw, cingzcik lailang.

(Liuz Yi)

《Gvangjsih Nenzgen》Laeb-daeb Okbanj 40 Gienj

11 nyied 21 hauh, gicej daj aen Hoih Yaenglwnh Bienraiz Okbanj 《Gvangjsih Nenzgen》 roxyiuj, 《Gvangjsih Nenzgen》 daengz seizneix gaenq laebdaeb okbanj 40 gienj, bang fugsah gih raeuz ginghci sevei hwngfat gunghawj aen cengjdaemx deihcengz youqgaenj. Dangguh swngjgiz cunghab nenzgen cauhamh haemq caeux Cungguk moq laebbaenz gvaqlaeng, 《Gvangjsih Nenzgen》 soqdajyaenq caeuq soqfathengz youq ndaw daengx guek swngjgiz nenzgen bauj baizmingz youq baihnaj, caemhcai q lai baez ndaej bingz baenz nenzgen daengdaengj, nenzgen daengjdaez.

《Gvangjsih Nenzgen》 bi 1985 gienj nduj okseiq doxdaeuj, gaenq laebdaeb okbanj 40 gienj. 40 bi doxdaeuj, 《Gvangjsih Nenzgen》 doenggvaq 7000 lai fanh cih saw, 1 fanh lai mbaw dozbiuj, naeuz gih raeuz cwngei, ginghci, vwnzva, sevei, swnghdai vwnzmingz hwnqguh caeuq hwnqguh aen dangj doenghgij dieg neix hwngfat ginglig, cingzcik ronghsag caeuq gingniemh dijbauj liuxliux, baenz cek saw hongdawz gienzvi caeuq gij camgauj youqgaenj roxyiuj Gvangjsih, yenzgiu Gvangjsih.

Seizneix, 《Gvangjsih Nenzgen》 guhbaenz banjbonj seizneix caeuq gaxgonq doxciep ndaej swnh caeuq daengx lienhdiuz okbanj, ragdoengh daengx gih si yienh cunghab nenzgen caeuq ciennieb nenzgen hwngfat. Daj bi 2018 gih raeuz guhbaenz nenzgen cwgoemq liuxliux le, daengx gih binaengz bienraiz okbanj sam gaep deihfueg cunghab nenzgen 126 loh, linghvaih miz ciennieb nenzgen 50 lai loh. Bi 2016 cauhamh 《Gvangjsih Duzgen》, bi 2023 cauhamh 《Dahyinh Bingzluz Hwnqguh Nenzgen》, caemhseiz bienraiz ceksaw deihcengz, cek nenzgen genjdanh doenghgij saw neix, guhbaenz aen buenz saehnieb nenzgen au cunghab nenzgen daiqlingx, bouhmonz nenzgen, hangznieb nenzgen, ciendaenz nenzgen doenghgij neix hwngfat liuxliux.

(Linz Seznaz)



Mbaniyauz Angqahoh Ciet Buenzvuengz

11 nyied 22 hauh, Yungzsuij Myauzcuz Swciyen Dungzlen Yauzcuz Yangh guh ciet Buenzvuengz nem ciet fungsou bouxgunnaz gaiq daihsam, mbanj henzgyawj gyoengq beixnuengx Yauzcuz, Duncuz caeuq Suijcz doxcomz giz ndeu, ciengq go diuq foux gvaq cietndei.

(Lungz Dauh ingi)

《Gij Feihdauh Gvangjsih》Youq Nanzningz Ingj

11 nyied 20 hauh, 《Gij Feihdauh Gvangjsih》 heiq dinj bouh nduj comzyawj vwnzva gijgwn ndei Gvangjsih youq Nanzningz hainduj ingj, hawj aen gvaengx heiq dinj hix miz vwnzva gijgwn ndei Gvangjsih lo.

Daengx bouh heiq gungh 25 ciz, gojgaeq hopheux duenh saeh cib bi gaxgonq guh byaek Gvangjsih doxdax ndeu bae mbeguh, lwnhgangj cawjgiek Liengz Swjconh youq mwh gyaepa

caensiengq, vaqgej gij loengca, cugyamq roxyiuj gij vwnzva neihanz “haij yungz bak dah”, doeklaeng guh ndaej baenz bouxvunz majhung caeuq nyinhdoengz minzcuz vwnzva. Bouh heiq neix cauhamh goekrag dwg gijgwn ndei lailanglang caeuq daegbied gagmiz Gvangjsih, yungzhaeuj faenjlauxyox, haeuxnaengj haj saek, bya’ ndip Hwngzcouh doenghgij gijgwn ndei neix, cauhamoq au gijgwn ndei caeuq vujyaz dox yungzhab,

cauhlaeb aen buenz gyanghhuz daegbied “bakcauq guh dieg hoenxcienq, gucanj guh cax, aenrek guh gaiqdagj”.

Ciuq cam rox, 《Gij Feihdauh Gvangjsih》 gaenq senjhaeuj aen hanghmoeg ngaenzcienz cienmonz swcigih vwnzva canjnieb, Swcigih Gvangjbo Densigiz “heiq dinj + ” hengzdoengh dajveh bangfuz hanghmoeg, aenq yaeq youq 12 nyied daej daengx vangj hainduj boq.

(Sinj Cwngz)